

Zbirka medijskih objava

Vlada Brčko Distrikta_kliping_dnevno,
za razdoblje 19. 8. 2019

Broj objava: 12

Televizija: 2

Štampa: 10

Teme praćenja:

Vlada Brčko Distrikta: 1

Gradonačelnik Brčko: 0

Skupština Brčko Distrikta: 0

Brčko: 11

Vlada Brčko Distrikta:

Televizija	Naslov	"Kad nas je manje"		
Serijski br. 1	Medij; Doseg	Face TV; , Bosna i Hercegovina	18:45	Trajanje: 6 min
	Rubrika, Datum	Vjestnik; 18. 8. 2019		
Stranica u zbirci: 5	Autor	Damira Ibranović		
	Teme	Vlada Brčko Distrikta		

Brčko:

Štampa	Naslov	Na granicama se čeka i po dva sata		
Serijski br. 1	Medij; Doseg	Dnevni avaz; 50.000, Bosna i Hercegovina	Stranica: 5	Površina: 101 cm ²
	Rubrika, Datum	Pogledi; 18. 8. 2019		
Stranica u zbirci: 6	Autor	A.Č.		
	Teme	Brčko		

Štampa	Naslov	Pijani Brčak pocijepao uniformu policajcu		
Serijski br. 2	Medij; Doseg	Dnevni avaz; 50.000, Bosna i Hercegovina	Stranica: 14	Površina: 53 cm ²
	Rubrika, Datum	Crna hronika; 18. 8. 2019		
Stranica u zbirci: 7	Autor	Unknown		
	Teme	Brčko		

Televizija	Naslov	Južno voće		
Serijski br. 3	Medij; Doseg	Radio televizija Republike Srpske; , Bosna i Hercegovina	11:00	Trajanje: 3 min
	Rubrika, Datum	Snop; 18. 8. 2019		
Stranica u zbirci: 8	Autor	Unknown		
	Teme	Brčko		

Štampa	Naslov	Bratimljenje s gradom Magelangom		
Serijski br. 4	Medij; Doseg	Dnevni avaz; 50.000, Bosna i Hercegovina	Stranica: 12	Površina: 40 cm ²
	Rubrika, Datum	Teme; 19. 8. 2019		
Stranica u zbirci: 9	Autor	Unknown		
	Teme	Brčko		

Štampa	Naslov	U Tuzli borba za premijer ligu		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 26	Površina: 88 cm ²
	Rubrika, Datum	Sport; 19. 8. 2019		
Stranica u zbirci: 10	Autor	Unknown		
	Teme	Brčko		

Štampa	Naslov	ZDRAVSTVENI RADNICI POZVANI U NJEMAČKU, MINIMALNA PLAĆA 2400 EURA!		
Serijski br. 6	Medij; Doseg	Dnevni list; , Bosna i Hercegovina	Stranica: 6	Površina: 366 cm ²
	Rubrika, Datum	Događaji; 19. 8. 2019		
Stranica u zbirci: 12	Autor	Unknown		
	Teme	Brčko		

Štampa	Naslov	NEDOSTATAK BAZENA NAJVEĆA PREPREKA RAZVOJU SPORTA		
Serijski br. 7	Medij; Doseg	Euro Blic; , Bosna i Hercegovina	Stranica: 24	Površina: 435 cm ²
	Rubrika, Datum	Regioni; 19. 8. 2019		
Stranica u zbirci: 13	Autor	Kovačević Cvijeta		
	Teme	Brčko		

Štampa	Naslov	Прорадила Крупа		
Serijski br. 8	Medij; Doseg	Glas Srpske; , Bosna i Hercegovina	Stranica: 34	Površina: 34 cm ²
	Rubrika, Datum	Sport; 19. 8. 2019		
Stranica u zbirci: 14	Autor	Unknown		
	Teme	Brčko		

Štampa	Naslov	Legende brčanskog fudbala		
Serijski br. 9	Medij; Doseg	Oslobodjenje; , Bosna i Hercegovina	Stranica: 32	Površina: 616 cm ²
	Rubrika, Datum	Sport; 19. 8. 2019		
Stranica u zbirci: 16	Autor	Uštović Ibrahim		
	Teme	Brčko		

Štampa	Naslov	Indonezija je tržište od oko 260 miliona stanovnika na kojem se mogu naći BH proizvodi		
Serijski br. 10	Medij; Doseg	Poslovne novosti; , Bosna i Hercegovina	Stranica: 8	Površina: 328 cm ²
	Rubrika, Datum	ostalo; 19. 8. 2019		
Stranica u zbirci: 18	Autor	Unknown		
	Teme	Brčko		

Štampa	Naslov	BiH godišnje zaradi 150 milijuna KM od pristojbi i osobnih dokumenata		
Serijski br. 11	Medij; Doseg	Večernji list; , Bosna i Hercegovina	Stranica: 6	Površina: 426 cm ²
	Rubrika, Datum	Aktualno; 19. 8. 2019		
Stranica u zbirci: 19	Autor	Tulić Zlatko		
	Teme	Brčko		



Velike gužve očekuju se i danas **Na granicama se čeka i po dva sata**



Od ranih jutarnjih sati prvog dana vikenda zabilježene su duge kolone na južnim i sjevernim graničnim prijelazima.

Već u devet sati na GP Doljani, Velika Kladuša, Gradina, Bosanska Kostajnica i Zupci na ulaz u BiH čekalo se oko sat, a najveće gužve na izlazu iz naše zemlje zabilježene su na GP Gabela Polje, Bijajača, Bosanska Gradiška, Bosanski Brod, Crveni

Grm, Gorica i Osoje.

Već u popodnevnom satima na ovim graničnim prijelazima čekalo se i do dva sata.

Također, kako je saopćeno iz BIHAMK-a, iz sigurnosnih razloga obustavljen je saobraćaj za teretna vozila i autobuse preko mosta na graničnom prijelazu **Brčko-Gunja**.

Velike gužve na granicama očekuju se i danas.

A. Č.



Hapšenje u Srpcu

Pijani Brčak pocijepao uniformu policajcu


Pripadnici Policijske stanice Srbac uhapsili su I. G. iz Brčkog koji je tokom vikenda u pijanom stanju fizički napao policajca, pocijepavši mu dio uniforme.

Uhapšeni se sumnjiči za krivično djelo sprečavanje službenog lica u vršenju službene radnje. Policajca je napao prilikom kontrole vozila u saobraćaju.

- Suvozača iz Škode je izašao I. G. koji je policijskom službeniku dao na uvid lične dokumente, nakon čega ga je fizički napao - saopćeno je iz Policijske uprave Bosanska Gradiška.

Alkotestiranjem je utvrđeno prisustvo alkohola u organizmu napadača, a o svemu je obaviješten dežurni tužilac.

"Kad nas je manje"



Južno voće





Brčko: Ekonomska saradnja

Brčko

Bratimljenje s gradom Magelangom

► **Brčko** Distrikt BiH i indonezijski grad Magelang potpisali su pismo namjere o bratimljenju, a u narednoj godini provest će procedure o bratimljenju kroz svoje institucije. Kako je rekao šef Inspektorata u Vladi **Brčko** Distrikta Damir Bulčević, cilj je potaknuti saradnju na ekonomskom polju i u drugim oblastima.



Ekipno prvenstvo SSFBIH

U Tuzli borba za Premijer ligu

U Tuzli će se od 23. do 29. avgusta održati 26. ekipno prvenstvo Šahovskog saveza Federacije Bosne i Hercegovine. U okviru takmičenja igraju se dvije lige, Prva A i Prva B. U obje lige igra se na šest ploča. U Prvoj A-ligi pravo nastupa ima samo jedan strani igrač, dok u B-ligi nije dozvoljen nastup stranaca. U A-ligi nastupa deset ekipa, igrat će se devet kola po Bergerovom sistemu uz klasičnu vremensku kontrolu.

Pravo nastupa u Prvoj A-ligi imaju klubovi Čelik Zenica, OŠK Živinice, Igman Konjic, Sarajevo, Bihać, Inzio-Tušanj Tu-

zla, Banovići, Gračanica i Brčko. S obzirom da će sastavi ekipa biti poznati tek na dan početka takmičenja, teško je prognozirati koje će se ekipe boriti za prvo mjesto, koje donosi pravo nastupa u Premijer ligi naredne godine.

Prva B-liga je otvorenog karaktera, te se u njoj mogu takmičiti svi ostali klubovi registrirani u SSFBIH. Pobjednik ove lige naredne godine igrat će u Prvoj A-ligi. Organizator takmičenja je Šahovski savez FBiH.

Tokom ligaških takmičenja održat će se i sjednica Skupština Saveza.



Na jesen još jedan val odlaska medicinskog osoblja iz BiH

ZDRAVSTVENI RADNICI POZVANI U NJEMAČKU, MINIMALNA PLAĆA 2400 EURA!

Agencija za rad i zapošljavanje BiH najavila je da će treći krug intervjua za Triple Win projekt – zapošljavanje medicinaru u SR Njemačkoj u 2019. godini, biti održan od 30. rujna do 4. listopada, a rok za prijave je do 13. rujna.

Triple Win projekt provodi, u ime njemačke vlade Deutsche Gesellschaft für Internationale Zusammenarbeit (GIZ)

i Agencija za zapošljavanje SR Njemačke u partnerstvu s Agencijom za rad i zapošljavanje Bosne i Hercegovine, entitetskim zavodima za zapošljavanje i Zavodom za zapošljavanje Brčko distrikta BiH, na osnovu Dogovora o posredovanju pri zapošljavanju radnika iz Bosne i Hercegovine u SR Njemačkoj na određeno vrijeme.

U Javnom pozivu za prijavu za zapošljavanje radnika

za zdravstvenu njegu u SR Njemačkoj, između ostalog na web stranici Agencije za rad i zapošljavanje BiH, navodi se da se radi o mjestu asistenta za zdravstvenu njegu, do priznavanja diplome u SR Njemačkoj, poslije priznavanja diplome, rad na poslovima kvalificiranog zdravstvenog radnika.

Minimalna plaća 2400 eura

Aplicirati mogu državljani Bosne i Hercegovine koji ispunjavaju uvjete navedene u tom javnom pozivu, ali prednost kod odabira imat će nezaposlene osobe registrirane na evidenciji službi za zapošljavanje u Bosni i Hercegovini.

U uvjetima za kandidate kao stupanj obrazovanja navodi se minimum srednja medicinska škola (IV stupanj), profil medicinska sestra – tehničar općeg ili pedijatrij

skog smjera. Kandidati koji su završili srednju medicinsku školu putem prekvalifikacije ne mogu sudjelovati u Triple Win projektu. Poznavanje njemačkog jezika nije obavezno ali je prednost.

Vrsta radnog odnosa, na određeno vrijeme na poziciji asistenta za zdravstvenu njegu do nostrifikacije diplome za zdravstvenog radnika. Nakon nostrifikacije diplome, radni odnos se može zasnovati i na neodređeno vrijeme na poziciji zdravstvenog radnika. Zaposleni ima mogućnost da, nakon određenog perioda, prema Zakonu o boravku stranaca u SR Njemačkoj podnese zahtjev za dobivanje stalne boravišne dozvole.

– U skladu s pozitivnim propisima SR Njemačke nostrifikacija diplome za zdravstvenog radnika je obavezna najkasnije u roku od 12 mjeseci. Početna mjesečna plaća iznosi minimalno 2.000 eura (bruto), do priznavanja diplome za zdravstvenog radnika, a poslije nostrifikacije minimalno 2.400 eura (bruto) – navodi se.

Kandidati koji uđu u užu izbor bit će obaviješteni o mjestu i terminu obavljanja intervjua za posao, sa predstavnicima njemačke službe za zapošljavanje. Izabrani kandidati bit će uključeni u projekt 'Triple Win' regionalne suradnje na migraciji radne snage, koji će kandidatima pružati podršku u pripremi, odlasku (vize) i integraciji u SR Njemačkoj.

Projekt 'Triple Win', u organizaciji njemačke službe za zapošljavanje (BA) i njemačkog društva za međunarodnu suradnju (GIZ), nudi podršku kroz tečaj jezik, kao i tečaj pripreme za rad i život u SR Njemačkoj.

Novi egzodus iz BiH


Za dodatne informacije o Javnom pozivu, kandidati se mogu obratiti lokalnim birou za zapošljavanje nadležne županijske službe u Federaciji BiH, filijale Zavoda za zapošljavanje Republike Srpske, odnosno Zavoda za zapošljavanje Brčko distrikta BiH ili Agenciji za rad i zapošljavanje Bosne i Hercegovine sa naznakom 'Triple-Win' projekt.

Nesumnjivo je da će poziv za primamljiv rad u Njemačkoj imati veliki odjek, pa nas već početkom ove jeseni očekuje novi val odlaska kvalificiranog medicinskog osoblja iz zemlje u kojoj nemaju ni približne uvjete kakve se nude u inozemstvu. Podsjećamo da se prije nekoliko dana čak i ravnatelj Sveučilišne kliničke bolnice Mostar dr. Ante Kvesić obratio javnosti priopćenjem u kojem je potvrdio da se ova zdravstvena ustanova nalazi u polugodišnjem gubitku većem od tri milijuna maraka. Također, u javnosti se pojavila informacija kako samo u ovoj zdravstvenoj ustanovi nedostaje oko 600 tisuća maraka mjesečno kako bi ispoštovala obaveze kada je u pitanju isplata plaća definiranih kolektivnim ugovorom. Ne treba posebno spominjati da su navedene plaće u BiH višestruko manje od onih koje se nude u njemačkim zdravstvenim ustanovama.

U skladu s pozitivnim propisima SR Njemačke nostrifikacija diplome za zdravstvenog radnika je obavezna najkasnije u roku od 12 mjeseci. Početna mjesečna plaća iznosi minimalno 2.000 eura (bruto), do priznavanja diplome za zdravstvenog radnika, a poslije nostrifikacije minimalno 2.400 eura (bruto) – navodi se

Nesumnjivo je da će poziv za primamljiv rad u Njemačkoj imati veliki odjek, pa nas već početkom ove jeseni očekuje novi val odlaska kvalificiranog medicinskog osoblja iz zemlje u kojoj nemaju ni približne uvjete kakve se nude u inozemstvu





[U Brčkom i ovog leta škola plivanja, interes sve veći]

NEDOSTATAK BAZENA NAJVEĆA PREPREKA RAZVOJU SPORTA



- Veliki je broj dece prošao kroz ovu školu plivanja, sigurno više od tri hiljade, i biće dogodne novih mladih trenera - kaže Mandić.

Ističe da bi rezultati bili i bolji da imaju uslove za formiranje plivačkog kluba, a najveća prepreka za ostvarenje ovog cilja je nepostojanje bazena.

Najveći problem i prepreka formiranju plivačkog kluba je to što Brčko, za razliku od drugih većih gradova, nema zatvoreni bazen.

Da imamo takav bazen, već bismo uveliko imali plivački klub, mesto za školu plivanja, a verovatno i takmičare, kao što to imamo u fudbalu i gimnastici. Zbog zatvorenog gradskog bazena morali smo ove godine školu da organizujemo izvan grada i to je problem za decu i roditelje koji nemaju prevoz, ali i za nas jer bismo sigurno na časovima imali više dece. Pokušaćemo iduće godine da to nekako rešimo kako bismo im olakšali dolazak u školu i kako bi što više dece savladalo veštinu plivanja - kaže Mandić.

Deca su jako zadovoljna. Iako je većina već ranije naučila da pliva, rado dolaze u školu jer tu mogu da nauče nove tehnike plivanja. Zbog toga je po prvi put ovog leta u školi plivanja Marko Zivković, koji ima sedam godina, kao i Anja Stevanović. Kojoj je deset i po godina.

Najviše volim skokove i spuštanje sa tobogana - kaže Anja.

Iva Stevanović ima četiri i po godine i kaže da je ovog leta došla u školu da bi učila da pliva i roni.

Zahvaljujući entuzijazmu sportske asocijacije „Sportissimo“, i ovog leta organizovana je škola plivanja u Brčkom, bez obzira na to što u gradu ne postoji bazen koji radi.

CVIJETA KOVAČEVIĆ

Predsednik asocijacije Milomir Mandić kaže da je ovo deveta godina zaredom kako organizuju školu plivanja.

- Do sada smo to radili na gradskom bazenu, ali pošto ovog leta bazen u gradu nije otvoren, školu smo organizovali na privatnom bazenu u Brki. Imamo više od 200 članova i svake godine interesovanje dece je sve veće - kaže Mandić.

Škola plivanja otvara se leti, a pošto se organizuje na otvorenom bazenu, njeno trajanje zavisi od vremenskih prilika, ali je to u proseku mesec i po do dva meseca tokom jula i avgusta. Školu pohađaju deca od četiri do 14 godina.

To je najbolji period za savladavanje veštine plivanja. Za decu je voda već od rođenja prirodno okruženje i sa četiri godine mogu da uče osnove, a potom i tehnike plivanja - kaže Mandić.

Sa decom radi sedam trenera plivanja, među kojima već ima onih koji su regrutovani iz reda učenika ove škole.

Jedan od njih je i Sergej Kovačević koji je nakon osam godina u školi plivanja ovog leta počeo da uči kako se postaje trener plivanja.

- Sada pomažem treneru,

učim kako se uči i baš je zanimljivo - kaže Sergej, koji planira da studira fizičko vaspitanje.

Među članovima škole plivanja asocijacije „Sportissimo“ je sve više dečaka i devojčica koji imaju slične planove i koji će od iduće godine, kao i Sergej, dobiti ulogu mladih trenera.

SVAKOG MESECA DRUGI SPORT

Sportska asocijacija „Sportissimo“ osnovana je kao univerzalna škola sporta čiji se članovi svakog meseca bave drugom vrstom sporta, a u oblasti fudbala i gimnastike stigli su i do takmičenja. Polaznici njihove škole fudbala bili su na takmičenjima u Beču u Austriji i Vroclavu u Poljskoj, dok su gimnastičari učestvovali na takmičenjima u BiH.



Побједа фаворита у Брчком

Прорадила **Крупа**

ЈЕДИНСТВО **1 (0)**
КРУПА **2 (1)**
Стријели 01 Дујаковић у 13, 02 Лукић у 67, 12 Вујић у 88. минути.
Стадион Локомотиве.
Гледалаца 350.
Судија: Ларко Вукосавић (Добој).
Жути картони: Булубашић, Станковић (Јединство), Филиповић, Галић, Л. Николић, Мамунташ (Крупа).
Црвени картон: Анел Рамић (Јединство) у 57. минути.
Игране утакмице: Никола Дујаковић (Крупа) 7.
ЈЕДИНСТВО: Вукосавић 6, Лукић 6 (од 90+1, минута Омерхоџић -), Чавалић 6, Станковић 6,5, Маринковић 6 (од 57. минута Вујић 7), Ђокић 6,5, Павић 6,5, Божић 6, Митровић 6, Мусић 5,5 (од 46. минута Рамић 5), Булубашић 6. Тренер: Виктор Зарић.
КРУПА: Колак 6,5, Маџић 7, Лукић 7 (од 87. минута Благојевић -), Дујаковић 7, Перић 6,5, Филиповић 7, Максимовић 7, Дарић 6,5 (од 62. минута Бигал -), Мамунташ 6,5, Голубовић 6 (од 46. минута Шиповац 6), Л. Николић 7. Тренер: Зоран Марић.

БРЧКО - Фудбалери Крупе оправдали су улогу фаворита савладавши на гостовању у **Брчком** повратника у Прву лигу, екипу Јединства са 2:1. Гости су већ у 13. минути голом Николе Дујаковића показали да су дошли по три бода, а тријумф је у другом полувремену потврдио Јово Лукић.
- Нисмо бриљирали, али смо одиграли онолико колико нам је требало да слави-мо. Све је било много лакше када смо већ у раној фази стигли до вођства, - рекао је капитен Крупе Никола Дујаковић. С. К.



Legende brčanskog fudbala - slijeva: Anto Knol, Safet Tursić, Faruk Maslić - Fare, Vlado Zelenika Pinda i Ibrahim Kevrić - azo

Legende brčanskog fudbala

Fadil Redžić je u svojoj monografiji posvećenoj stogodišnjici fudbala u gradu na Savi veliku pažnju posvetio igračima koji su svojim nastupima upotpunili istoriju sporta

Piše: **IBRAHIM UŠTOVIĆ**

Monografija "FK Jedinstvo - stogodina postojanja" autora Fadila Redžića, sa podnaslovom "Sjećanje - da se otrgne od zaborava", pored hronološkog prikaza razvoja fudbalskog sporta u Brčkom datog kroz istorijat Fudbalskog kluba Jedinstvo, donosi i niz sportskih biografija fudbalera koji su izrasli u sportske legende grada na Savi.

U Monografiji stoji da nijedno ime nije toliko vezano za Jedinstvo kao Ibrahima Kevrića Maze. Počeo

je trenirati 1951. godine kao pionir. Vrlo brzo se istakao izuzetnim sposobnostima i ozbiljnim pristupom igri te je za kratko vrijeme postao prvotimac.

Najduža karijera

Branio je boje Jedinstva u kontinuitetu od 1952. do 1973. i spada u red onih sa najdužim igračkim stažom. Ostalo je za pamćenje da nikada u svojoj dugoj igračkoj karijeri nije isključen.

Sedam puta je igrao u kvalifikacionim utakmicama za ulazak u viši rang. Bio je akter čuvene utakmice za ulazak u Drugu saveznu ligu kada je Jedinstvo na Koševu pobijedilo sarajevsku Bosnu i izborilo plasman u viši rang. Na Mazin oproštaj od aktivnog igranja 1973. došao je sarajevski Željezničar - tada aktuelni prvak države. Iako je u penziji, Mazo je redovni posjetilac svih sportskih manifestacija u Brčkom.

Opšta ocjena svih ljubitelja sporta u Brčkom je da je Ibrahim Kevrić Mazo živa legenda brčanskog fudbala.

Vlado Zelenika Pinda ponikao je u mostarskom Veležu i stekao reputaciju vrsnog golgetera. Dolaskom u Brčko Pinda je predstavljao veliko pojačanje za Jedinstvo. Navijači ga se dobro sjećaju po izvanredno efikasnom izvođenju slobodnih udaraca i penala. Nije se odvajao od fudbala. Po završetku karijere opredijelio se za sudijski poziv. Živio je dugo u Brčkom i ostavio vidan trag u sjećanjima suigrača i publike. Umro je u svom Mostaru u kome je započeo i završio uspješnu i burnu karijeru.

Anto Knol je rođen u Brčkom. Juniorima Jedinstva pristupio je 1957. i u tom sastavu proveo dvije godine. Pokazao je sve odlike

nesvakidašnjeg talenta, te je od 1959. godine prekomandovan u prvi tim, debitovao je protiv Proletera iz Teslića. Tu utakmicu Jedinstvo je dobilo rezultatom 2:0. Za prvi tim Anto je nastupao od 1959. do 1969. godine, odigrao je oko 400 utakmica i postigao 140 golova. Većinom je nosio dres broj 10, a ponekad i broj 9. Kao kuriozitet zvuči podatak da je Anto na utakmici protiv Rudara

Opšta ocjena svih ljubitelja sporta u Brčkom je da je Ibrahim Kevrić Mazo živa legenda brčanskog fudbala

iz Ljubije, koju je Jedinstvo dobilo sa 8:1, postigao rekordnih 6 golova.

Imao je Anto ponude za prelazak u prvoligaške klubove, ali je do kraja karijere ostao vjeran svom Jedinstvu. Nastupao je za amatersku reprezentaciju BiH. U sezoni 1965/66. bio je golgeter Republičke lige sa 27 postignutih golova. Po okončanju aktivne igračke karijere odlazi u Sarajevo, gdje isto tako veoma uspješno obavlja odgovorne funkcije u svijetu biznisa, uz to nosilac je značajnih funkcija u SD Željezničar iz Sarajeva. Vrlo čest je gost među svojim prijateljima u rodnom Brčkom. Najljepše fudbalske dane Faruk Maslić Fare proveo je u Jedinstvu. Prve fudbalske dane počeo je u Bijeljini, gdje je rođen, nastupao je i za podmladak Sarajeva. Došao je u Jedinstvo i igrao u generaciji Vlade Zelenike, ostao je upamćen kao izuzetno brz i prodoran igrač. Poslije teške povrede na terenu imao je dug oporavak i uskoro prešao sa igranjem. Ostao je utisak da je mogao mnogo više da nije bilo kobne povrede.

Golman za pamćenje

Safet Tursić je sa 16 godina stao na gol-liniju Jedinstva, a sa 17,5 učestvuje u kvalifikacijama za viši rang. Tursić spada među najzaslužnije za osvajanje titule prvaka Međuzonske lige i ulazak u Drugu ligu. Na odlučujućim utakmicama pružao je vrhunske odbrane koje su ga svrstavale među pet najboljih golmana u BiH, a za navijače je bio legenda. Svoju ljubav prema fudbalu Tursić iskazuje kroz rad na više funkcija u UO Jedinstva.

U Monografiji su prezentirani i najznačajniji momenti iz sportskih biografija fudbalskih legendi Brčkog: Ismeta Čatovića Ipete, Osmana Zenunovića, Ataha Čosovića Atka, Mladena Stevića, Nevena Rudića, Envera Zahirovića Kuse, Hamde Radeljaša.

Ovim prikazima upotpunjeni su sadržaj i zanimljivost Monografije, a poseban kvalitet autentičnosti ovoga djela daje činjenica da joj je autor savremenik najznačajnijeg perioda u istoriji FK Jedinstvo te da je potpuno uspio u svojoj osnovnoj namjeri, a to je težnja da se otrgnu od zaborava ljudi i događaji kojima je stvorena istorija sporta u Brčkom.



BRATIMLJENJE BRCKOG I MAGELANGA U INDONEZIJI RADI EKONOMSKE SARADNJE

Indonezija je tržište od oko 260 miliona stanovnika na kojem se mogu naći BH proizvodi

Proizvodi Indonezije kao što su kafa, palmino ulje, egzotično voće te turizam pružaju mogućnosti boljem ekonomskom povezivanju

Brčko Distrikt Bosne i Hercegovine (BiH) i indonezijski grad Magelang potpisali su pismo namjere o bratimljenju i u narednih godinu dana će sprovesti procedure oko bratimljenja kroz svoje institucije, potvrdio je šef Inspektorata u Vladi Brčko Distrikta i direktor Business Forumu Brčko Distrikta Damir Bulčević, koji je potpisnik dokumenta o bratimljenju.

"Poseban angažman je učinila ambasadorica Indonezije u BiH Amelija Ahmad Yani doprinijevši da BiH i Brčko Distrikt budu predstavljeni u najboljem svjetlu te da potaknemo saradnju na ekonomskom polju kao i u drugim oblastima, jer Indonezija je tržište od oko 260 miliona stanovnika na kojem se mogu naći naši proizvodi", kaže Bulčević.

Proizvodi Indonezije kao što su kafa, palmino ulje, egzotično voće te turizam pružaju mogućnosti boljem ekonomskom povezivanju.

"Drago mi je da je Brčko Distrikt prvi koji se na ovakav način uvezao sa Indonezijom, uprkos velikoj prostornoj udaljenosti, a svjesni smo da biznis ne poznaje granice, i stoga smatram da će buduća saradnja imati čvrst most koji će spajati ova dva grada i naše dvije zemlje", zaključuje Bulčević.

Delegacija Brčko Distrikta je 22. jula boravila u Magelangu gdje su pismo namjere o bratimljenju potpisali u ime Brčko Distrikta Damir Bulčević, a u ime Magelanga gradonačelnik Sigita Widyonindita.



Ambasadorica Indonezije u BiH Amelija Ahmad Yani je prilikom potpisivanja pisma namjere o bratimljenju rekla da dva grada imaju sličnosti iako je jedan u Evropi, a drugi u Indoneziji, naglašavajući da u oblasti trgovinske razmjene je prednost što Brčko ima luku.

Bulčević je pozvao predstavnike gradske vlade Magelanga da početkom oktobra prisustvuju 3. poslovnom forumu u Brčkom, što je gradonačelnik Widyonindita uvrstio u plan poziva.

Kako bi dodatno upoznali industriju malih i srednjih preduzeća, nakon ceremonije potpisivanja pisma namjere o bratimljenju, delegacija Brčko Distrikta je posjetila centar prehrambene industrije Gethuk Trio u Magelangu. Gethuk su slastice sa Jave koje se proizvode iz cassavae (manioka) u kombinaciji sa šećerom, palminim uljem, mlijekom...

Tokom boravka u Indoneziji delegacija Brčkog imala je sastanke sa predstavnicima državne privredne komore, indonezijskim udruženjem poslodavaca i indonezijskim udruženjem za proizvodnju palminog ulja. Razgovarano je o palminom ulju, čaju i kafi, kao izvoznim proizvodima Indonezije. U tom kontekstu gosti iz Brčkog su u Medanu na Sumatri posjetili državnu plantažu palmi i čaja koja postoji od 1911. godine i jedna je od 14 takvih plantaža u Indoneziji, a zauzima površinu od 175 hiljada hektara s lokacijama u devet okruga. Plantaža u gradu Adolina ima 19 hiljada zaposlenih. Nakon obilaska plantaže posjetili su postrojenja za preradu palminog ulja u fabrici koja godišnje isporuči 650 hiljada tona ulja.

Ova posjeta Indoneziji je organizirana i radi upoznavanja turističkih destinacija i sadržaja za dolazak turista iz BiH.

Ambasadorica Indonezije održala je prezentaciju o BiH sa aspekata obrazovanja, kulture i ekonomije, te je govorila o rezultatima dosadašnje saradnje i jačanju odnosa između dvije zemlje.

Julska posjeta Indoneziji rezultat je sastanka na business to business događaju u aprilu 2019. u Sarajevu, kojeg je organizirala

Ambasada Indonezije u BiH.

Naglašavajući značaj saradnje u oblasti obrazovanja potpisan je u Indoneziji 17. jula memorandum o razumijevanju između Univerziteta Indonezije i Univerziteta Istočno Sarajevo, te o saradnji u oblasti razmjene studenata između Ekonomskog fakulteta Univerziteta Indonezije i Ekonomskog fakulteta u Brčkom i Univerziteta u Istočnom Sarajevu.



SUDBINA PRORAČUNA JOŠ UVIJEK NEPOZNANICA

BiH godišnje zaradi 150 milijuna KM od pristojbi i osobnih dokumenata

Zlatko Tulić

Iako je preglasavanjem usvojen u Predsjedništvu, još se ne zna kakva je sudbina državnog proračuna u Parlamentu. Ono što je barem za sada poznato jest da proračun nema podršku iz SNSD-a. Još od siječnja ove godine državni proračun nalazio se u Predsjedništvu BiH.

Malo vlastitih prihoda

Pola godine kasnije, točnije 31. srpnja, usvojen je glasovima predsjedatelja Predsjedništva BiH Željka Komšića i člana Predsjedništva BiH Šefika Džaferovića, no podrška je izostala od člana Predsjedništva BiH Milorada Dodika. Naime, povećanjem proračuna za 16 milijuna maraka osigurana su sredstva za povećanje plaća policajcima u skladu s ranijim odlukama PS BiH, a državnim službenicima i zaposlenicima u institucijama BiH topli obrok bit će vraćen s osam na šest maraka. Kakva ga sudbina čeka u Parlamentu, još nije poznato s obzirom na trenutačne političke okolnosti na državnoj razini. Kao



malo koja država s 3,5 milijuna stanovnika, Bosna i Hercegovina ima 13 proračuna, državni, dva entitetska i deset županijskih, zatim proračun Distrikta Brčko i 144 općinskih. Primjerice, proračun tijela BiH, čije se usvajanje očekuje, koncipiran je slično kao i prethodne godine, na 966 milijuna KM i 826 milijuna KM

za servisiranje vanjskog duga ili ukupno milijarda i 792 milijuna KM. Osim otplate duga, najveće proračunska stavka je financiranje profesionalne vojske i diplomatskih predstavništava, dok na financiranje tijela i institucija 17.200 zaposlenih i materijalne troškove otpada oko pola milijarde maraka. Pod

ingerencije države potpadaju i granične službe, SIPA, OSA i druge agencije. Tijela BiH ostvaruju veoma malo vlastitih prihoda, procjenjuje se oko 150 milijuna maraka godišnje od osobnih dokumenata, vozačkih dozvola, zapošljavanja stranaca, putovnica i izdavanja dokumenata preko tijela i radnih tijela Vijeća ministara i diplomatsko-konzularnih službi. Krajem prosinca lani, Skupština Republike Srpske usvojila je proračun ovog entiteta u iznosu 3,256 milijardi KM za 2019. godinu. To je pojedinačno najviši proračunski okvir u BiH. Razlog je jednostavan, RS nema kao FBiH samostalnu institucionalna tijela na nižim razinama. FBiH, koja je decentralizirana na županije, iako ima milijun stanovnika više, ima proračun na razini entiteta od 2,653 milijarde KM, čak 600 milijuna KM manje nego Republika Srpska. Proračun Federacije BiH krajem prosinca prošle godine usvojio je Zastupnički dom Parlamenta FBiH. Federalni proračun je za 335,8 milijuna KM ili 11 posto niži od prošlogodišnjeg. Kad se zbroji i oduzme, samo proračuni BiH i dvaju entiteta koji se smatraju saveznom, ukupno iznose 7,635 milijardi maraka.

Velike obveze županija

U FBiH, naime, osim vlasti na razini entiteta, postoji deset županija koje su potpuno autonomne u svom radu i koje imaju svoje vlastite godišnje proračune. Sarajevska županija ima najveći godišnji proračun koji iznosi čak 928,4 milijuna konvertibilnih maraka i najviši je do sada. Međutim, velike su obveze ne samo ovog već i ostalih županija. Tu je, primjerice, pokrivanje obveza cestovne infrastrukture, komunalnih poduzeća, osnovnog, srednjeg i visokog obrazovanja u državnim javnim ustanovama, uz silnu i glomaznu administraciju, socijalnu zaštitu i ostalo. Sve županije zbrojno, prema predloženim proračunskim projekcijama, potražuju približno 3,3 milijarde konvertibilnih maraka od svojih poreznih obveznika kako bi mogle prevladati godišnje obveze u 2019. godini. Tome treba dodati i Distrikt Brčko, koji ima izvorne prihode s razine države (PDV i trošarine), čiji je proračun za 2019. godinu projektiran na 243 milijuna maraka.

17.200

NA FINANCIRANJE
TIJELA I INSTITUCIJA,
17.200 ZAPOSLENIH I
MATERIJALNE TROŠKOVE
OTPADA OKO POLA
MILIJARDE MARAKA

144

BIH S 3,5 MILIJUNA STANOVNIKA
IMA 13 PRORAČUNA,
DRŽAVNI, DVA ENTITETSKA
I DESET ŽUPANIJSKIH, ZATIM
PRORAČUN DISTRIKTA I
144 OPĆINSKIH

335,8

FEDERALNI
PRORAČUN JE
ZA 335,8 MILIJUNA
MARAKA ILI 11
POSTO NIŽI OD
PROŠLOGODIŠNJEG